

以往件年糧穀從六箇國遞送於壹岐島、壹岐島受領轉漕於對馬島、而大同以來已停廢、伏以古人遠圖深達物理、但令六國漕運猶未由、救弊因檢文簿、壹岐島課丁二千餘人、並是半輸者也、千人貢御油、千人進府儲油并雜穀等、又同島水田六百十六町、而沒八十六步、就中除百姓口分田并雜職田等之外、死者口分并疫死口分、國造田等一百餘町也、今商量役十人丁營百町田、其勢易於反掌、停進府之雜物、運對馬島年糧事、又仗於人民、假令停壹岐島所進雜油并雜穀等、令進六國、停六國所運年糧、令營壹岐島田租利害所返納稻二萬九千六百三十餘束、即其支度用途載在別紙、但反經之可否利害難明、因召彼島守賀茂直峯并練事書生等、令陳利害、勘署已訖、○中謹錄事狀、伏聽天裁奏可、

〔三代實錄三十六〕

陽成

元慶三年十月四日庚申、大宰府言壹岐島營作田一百町、其獲稻爲糙、送對馬島、以

充防人年糧、而島地隘狹、田疇薄瘠、非唯耕作之爲苦、亦知轉漕之有煩、島司申請、早被言上、停件營田救民之費、今以爲充國用正稅、分力○力原作則、據一本改、運送漂失、易填年損不煩、請停壹岐島運糧之勞、其年糧田百町地子、島司依例勘納、從之、

〔勤仲記〕弘安十年七月十三日壬寅、參禪林寺殿奏三年一請用途事、傳奏無人之間、以藤中納言條々聞食承、勅答之後、參殿下申條々事、○中略

對馬國司申請三ヶ條雜事

一請任色數仰管七ヶ國被催渡當島年糧米并正稅交易貢銀直防人功米等事、○中略
右大臣權中納言藤原朝臣左衛門督藤原朝臣、兵部卿藤原朝臣、出雲權守藤原朝臣、右大辨藤原朝臣等定申云、各任續文被裁許之條、何事之有哉、權中納言源朝臣定申云、於兩條者、同人々定申之儀、府使亂入守護人對捍役事、輒難計申、宜在聖斷乎、

弘安十年七月十三日

文殿